

1254, octubre, 3

*Domènec Conger, de Girona, ven a Adelaida Montaner una casa situada a Millàs pel preu de 44 sous.*

ASD núm. 165, perg. orig., 240 x 185 mm. Regest: Arxivació de Madremanya, núm. 150, p. 67.

Sit notum cunctis quod ego Dominicus Conger de Gerunda et mater mea Bernarda, simul per nos et per omnes nostros presentes et futuros uendimus tibi Adaledi Montanerie et tue filie Marie et uestris perpetuo omnes ipsas nostras casas cum cortilio quas habemus et tenemus in parochia Sancti Stephani de Matremagna, in uilario de Miars, et affrontant dictas casas cum cortilio a parte orientis et meridiei et a circio in honore Petri Meseguer, a parte <occiduo> in uia publica. Sicut de hiis .III.or affrontacionibus includuntur dictas casas et cortilio, sic eas uobis et uestris uendimus in perpetuum, cum ingressibus et exitibus earum et cum solis et suprapositis de abisso usque ad summum et cum stillicidiis et cloaciis et cum parietibus et suferimentis et cum omnibus aliis in se habentibus sibique qualicumque modo pertinentibus ad omnes uestras uestrorumque uoluntates perpetuo faciendas, saluo iure Petri Sicardi et suorum successorum in omnibus et per omnia, et saluo iure Bernardi de Pulcro Speculo et ospitali nouo in terciis et laudismiis, sine omni aliquo retentu quod ibi uel inde non facimus, omnibus nostris uocibus et rationibus et omnium nostrorum extinctis et penes uos et uestros remanentibus, et conuenimus uobis et uestris predictam uendicionem semper facere habere et tenere in pace et esse defensores et gaurentes contra cunctas uiuentes personas, et de euiccione et omni interesse, obligando inde uobis nos ipsos et heredes nostros et omnia bona nostra ubique, et propter hanc uendicionem confitemur nos a uobis numerando recepisse .XL. et .III. solidos barchinonenses, ualente marcha argenti .LXXXVIII. solidos, renunciando excepcioni non numerate pecunie, et si amplius ualet predicta uendicio dicto precio uel ualebit, totum gratis uobis et uestris donamus, renunciantes illi legi qua deceptis ultra dimidiam iusti precii subuenitur et si aliquo iure scripto uel non scripto siue excepcione uel occasione aliqua in futurum huic contractui obuiam ire possemus, illi iuri per nos et per omnes nostros in perpetuum renunciamus.

Actum est hoc .V. nonas octubris anno Domini .MCC. quinquagesimo .III.

Sig+num Dominici Congeri, sig+num matris eius Bernarde, qui hoc laudamus et firmamus. Sig+num Guilielmi Bofilii. Sig+num Petri de Calles. (s. man.) Bernardus de Pulcromirali. Sig+num Guilielme, uxoris eius. Sig+num fratris Raimundi Gaiardi, comendatoris ospitalis noui. Sig+num fratris Raimundi de Montenigro. Sig+num fratris Arnalli de Lagostera. Sig+um Petri Raimundi, baiuli. Sig+num Petri de Cales, baiuli.

(s. man.) Sig+num Arnalli presbiteri, qui hoc rogatus scripsit.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 335-336